



საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტის
აკადემიური საბჭო

დადგენილება № 06-01/06

ქ. ბათუმი

22 თებერვალი, 2023 წ.

ბსუ-ს ილია ჭავჭავაძის ბიბლიოთეკის დირექტორის შესარჩევი ღია კონკურსის
გამოცხადების შესახებ

„უმაღლესი განათლების შესახებ“ საქართველოს კანონის 21-ე მუხლის 1-ლი პუნქტის „ჟ“ ქვეპუნქტის, ბსუ-ს წესდების მე-8 მუხლის მე-4 პუნქტის „რ“ ქვეპუნქტის, 31-ე მუხლის მე-5 პუნქტის, „ბსუ-ს ილია ჭავჭავაძის ბიბლიოთეკის დებულების დამტკიცების თაობაზე“ ბსუ-ს წარმომადგენლობითი საბჭოს 2022 წლის 15 ივნისის N07-01/33 გადაწყვეტილების, „ბსუ-ს ბიბლიოთეკის დირექტორის არჩევის შესახებ“ ბსუ-ს აკადემიური საბჭოს 2019 წლის 26 თებერვლის N06-01/26 დადგენილების საფუძველზე, აკადემიურმა საბჭომ

დაადგინა:

1. გამოცხადდეს ღია კონკურსი ბსუ-ს ილია ჭავჭავაძის ბიბლიოთეკის დირექტორის თანამდებობის **4 წლის ვადით** დასაკავებლად.
2. ბსუ-ს ბიბლიოთეკის დირექტორის თანამდებობის დასაკავებლად კანდიდატს მოეთხოვება:
 - ა) უმაღლესი განათლება;
 - ბ) უმაღლეს საგანმანათლებლო დაწესებულებაში მუშაობის არანაკლებ 5 წლის სამუშაო გამოცდილება;
 - გ) სამოქმედო გეგმა.
3. კანდიდატთა რეგისტრაცია იწარმოებს ბსუ-ს საარჩევნო კომისიაში (ქ. ბათუმი, რუსთაველის/ნინოშვილის ქ.№32.35, ოთახი №13), 2023 წლის 23 თებერვლიდან 2023 წლის 01 მარტის ჩათვლით, 10:00 სთ-დან 16:00 სთ-მდე, გარდა შაბათ-კვირისა.
4. კანდიდატმა რეგისტრაციისათვის უნდა წარმოადგინოს:
 - ა) კანდიდატის სარეგისტრაციო განცხადება (შევსებული წინამდებარე დადგენილების N1 დანართის შესაბამისად);
 - ბ) პირადობის დამადასტურებელი მოწმობის ასლი;
 - გ) უმაღლესი განათლების დამადასტურებელი დოკუმენტის სათანადო წესით დამოწმებული ასლი;
 - დ) 2 ცალი ფოტოსურათი, ზომით 3/4;
 - ე) ავტობიოგრაფია (CV);
 - ვ) სამოქმედო გეგმა;

ზ) ინფორმაცია შრომითი საქმიანობის შესახებ (დასაქმების ადგილიდან გაცემული ცნობა/დამოწმებული ამონაწერი შრომის წიგნაკიდან ან/და სხვა, კანონმდებლობით დადგენილი წესით გაცემული ცნობა);

თ) საქესობრივი თავისუფლებისა და ხელშეუხებლობის წინააღმდეგ მიმართული დანაშაულის ჩადენისათვის ნასამართლეობის ცნობა.

5. დადგენილ ვადაში რეგისტრირებულ კანდიდატთა მიერ წარმოდგენილი დოკუმენტაციისა და სამოქმედო გეგმების განხილვა აკადემიური საბჭოს მიერ დაიწყოს **2023 წლის 02 მარტს, 12:00 სთ-ზე**.

6. ბსუ-ს ბიბლიოთეკის დირექტორის შერჩევისათვის აკადემიური საბჭოში ფარული კენჭისყრა (არჩევნები) ჩატარდეს **2023 წლის 02 მარტს, 13:00 სთ-ზე**.

7. კანდიდატთა რეგისტრაცია და აკადემიური საბჭოში კენჭისყრის ფარულობა (არჩევნების ჩატარება) უზრუნველყოს ბსუ-ს საუნივერსიტეტო საარჩევნო კომისიამ და იხელმძღვანელოს ბსუ-ს წესდებით, წინამდებარე დადგენილებით და ბსუ-ს საარჩევნო დებულებით.

8. ბსუ-ს ბიბლიოთეკის დირექტორის **არჩევნების გამოცხადების შესახებ განცხადების** (წინამდებარე დადგენილების **N2 დანართი**) გამოქვეყნება დაევალოს:

ა) ბსუ-ს ოფიციალურ ვებგვერდზე www.bsu.edu.ge (კონკურსების ველში) - ბსუ-ს საინფორმაციო ტექნოლოგიების სამსახურს;

ბ) ყველასათვის თვალსაჩინო ადგილებზე (საინფორმაციო დაფებზე) – ბსუ-ს საქმისწარმოების სამსახურს (კანცელარიას) და ფაკულტეტების დეკანების ოფისებს.

9. დადგენილების უნივერსიტეტის ოფიციალურ ვებგვერდზე განთავსება დაევალოს უნივერსიტეტის საინფორმაციო ტექნოლოგიების სამსახურს.

10. დადგენილება დაეგზავნოს მართვის ორგანოებს, ფაკულტეტებს, საინფორმაციო ტექნოლოგიების სამსახურს, ბსუ-ს საქმისწარმოების სამსახურს (კანცელარიას), საზოგადოებასთან ურთიერთობის სამსახურს, იურიდიულ დეპარტამენტს, საარჩევნო კომისიის თავმჯდომარეს, სამეცნიერო-კვლევით ერთეულებს და სხვა სტრუქტურულ ერთეულებს.

11. დადგენილება ძალაში შევიდეს ბსუ-ს ვებგვერდზე გამოქვეყნებისთანავე.

12. წინამდებარე დადგენილება დაინტერესებული პირის მიერ შეიძლება გასაჩივრდეს კანონმდებლობით დადგენილი წესით ძალაში შესვლის დღიდან 1 თვის ვადაში ბათუმის საქალაქო სასამართლოში (მისამართი: ქ. ბათუმი, ს. ზუბალაშვილის №30).

აკადემიური საბჭოს თავმჯდომარე,
რექტორი, პროფესორი

მერაბ ხალვაში

კანდიდატის განაცხადი
ბსუ-ს ბიბლიოთეკის დირექტორის თანამდებობის დასაკავებლად გამოცხადებულ არჩევნებში
რეგისტრაციისათვის

კანდიდატის პერსონალური მონაცემები:

სახელი	
გვარი	
პირადობის მოწმობის პირადი ნომერი	
რეგისტრაციის მისამართი	
ფაქტობრივი მისამართი	
ტელეფონი	
ელ.ფოსტა	

კანდიდატის თანხმობა პერსონალური ინფორმაციის დამუშავებაზე:

გავცანი ბსუ-ს წესდებს, შინაგანაწესს, ეთიკის კოდექსს და თანხმობას ვაცხადებ ბსუ-ს მიერ დამუშავდეს ჩემი პერსონალური ინფორმაცია, საქართველოს შრომის კოდექსის, „უმაღლესი განათლების შესახებ“ საქართველოს კანონის და ბსუ-ს წესდების მოთხოვნათა შესრულების უზრუნველსაყოფად ან/და ბსუ-ს საქმიანობის ფარგლებში სხვა კანონიერი საჭიროებიდან გამომდინარე.

ინფორმაცია კანდიდატის ნასამართლობის შესახებ (მათ შორის „სქესობრივი თავისუფლებისა და ხელშეუხებლობის წინააღმდეგ მიმართულ დანაშაულთან ბრძოლის შესახებ“ საქართველოს კანონით გათვალისწინებული სქესობრივი თავისუფლებისა და ხელშეუხებლობის წინააღმდეგ მიმართული დანაშაულის ჩადენისთვის ნასამართლობის/ნასამართლობის მოხსნის ან გაქარწყლების შესახებ ინფორმაციის მითითებით, ასეთის არსებობის შემთხვევაში):

ინფორმაცია იმ გარემოების (ჯანმრთელობის მდგომარეობა, სამუშაო განრიგი, სამუშაო პირობები, სხვა) შესახებ, რამაც შესაძლოა ხელი შეგიშალოთ ფუნქცია-მოვალეობების შესრულებაში (ასეთი გარემოების არსებობის შემთხვევაში, განსაზღვრეთ მიზეზი):

ქვემოთ ხელმოწერით ვადასტურებ, რომ განაცხადში და თანდართულ ავტობიოგრაფიაში მითითებული ინფორმაცია, ასევე წარმოდგენილი დოკუმენტაცია, არის ნამდვილი.

განმცხადებლის ხელმოწერა _____
განაცხადის წარმოდგენის თარიღი (დღე, თვე, წელი) _____

განცხადება

ბსუ-ს ილია ჭავჭავაძის ბიბლიოთეკის დირექტორის თანამდებობის დასაკავებლად ღია
კონკურსის გამოცხადების შესახებ

1. 2023 წლის 22 თებერვალს ცხადდება ღია კონკურსი საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის (შემდეგში - ბსუ) ილია ჭავჭავაძის ბიბლიოთეკის დირექტორის თანამდებობის 4 წლის ვადით დასაკავებლად.

2. ბიბლიოთეკის დირექტორის კანდიდატთა რეგისტრაცია იწარმოებს 2023 წლის 23 თებერვლიდან 2023 წლის 01 მარტის ჩათვლით, ჩათვლით, ბსუ-ს საარჩევნო კომისიაში (ქ. ბათუმი, რუსთაველის/ნინოშვილის ქ. N32/35, პირველი კორპუსი, ოთახი N13), 10:00 სთ-დან 16:00 სთ-მდე, გარდა შაბათ-კვირისა.

3. ბიბლიოთეკის დირექტორის თანამდებობის დასაკავებლად კანდიდატს მოეთხოვება (კრიტერიუმები): ა) უმაღლესი განათლება; ბ) არანაკლებ 5 წლის სამუშაო გამოცდილება და გ) სამოქმედო გეგმა.

4. კანდიდატმა საარჩევნო კომისიაში სარეგისტრაციოდ უნდა წარმოადგინოს:

ა) კანდიდატის სარეგისტრაციო განცხადება (შევსებული არჩევნების გამოცხადების შესახებ აკადემიური საბჭოს დადგენილების N1 დანართის შესაბამისად);

ბ) პირადობის დამადასტურებელი მოწმობის ასლი;

გ) ავტობიოგრაფია (CV);

დ) უმაღლესი განათლების მიღების დამადასტურებელი დოკუმენტების სათანადო წესით დამოწმებული ასლი;

ე) სამოქმედო გეგმა;

ვ) ფერადი ფოტო, ზომით 3/4;

ზ) ინფორმაცია შრომითი საქმიანობის შესახებ (დასაქმების ადგილიდან გაცემული ცნობა/დამოწმებული ამონაწერი შრომის წიგნაკიდან ან/და სხვა, კანონმდებლობითი დადგენილი წესით გაცემული ცნობა);

თ) სქესობრივი თავისუფლებისა და ხელშეუხებლობის წინააღმდეგ მიმართული დანაშაულის ჩადენისათვის ნასამართლეობის ცნობა (შენიშვნა: „უმაღლესი განათლების შესახებ“ 32-ე მუხლის მე-2 პუნქტის თანახმად, უმაღლეს საგანმანათლებლო დაწესებულებაში არ შეიძლება დასაქმდეს „სქესობრივი თავისუფლებისა და ხელშეუხებლობის წინააღმდეგ მიმართულ დანაშაულთან ბრძოლის შესახებ“ საქართველოს კანონით გათვალისწინებული სქესობრივი თავისუფლებისა და ხელშეუხებლობის წინააღმდეგ მიმართული დანაშაულის ჩადენისთვის ნასამართლევი პირი ან/და პირი, რომელსაც იმავე კანონის საფუძველზე სასამართლომ ჩამოართვა საგანმანათლებლო დაწესებულებაში საქმიანობის უფლება. აღნიშნულიდან გამომდინარე საკონკურსო დოკუმენტაციის საპროცედურო კომისიაში წარდგენის დღისათვის (რეგისტრაციის დღე) ნასამართლეობის შესახებ ცნობა უნდა იყოს მოქმედი (კანონმდებლობის თანახმად ცნობის მოქმედების ვადა 15 დღეა).

5. დადგენილ ვადაში რეგისტრირებულ კანდიდატთა მიერ წარმოდგენილი დოკუმენტაციისა და სამოქმედო გეგმების განხილვა აკადემიური საბჭოს მიერ დაიწყება 2023 წლის 02 მარტს, 12:00 სთ-ზე, ხოლო არჩევნები (ფარული კენჭისყრა) ჩატარდება 2023 წლის 02 მარტს, 13:00 სთ-ზე.